

**KORPORAZIOA OSATZEKO ETA ALKATEA IZENDATZEKO 2023KO EKAINAREN 17AN
EGINDAKO BILERAREN AKTA.**

LEKUA: Beasaingo Udaletxea.

ARETOA: Batzar Aretoa.

EGUNA: Hamazazpia.

HILABETEA: Ekaina .

URTEA: Bi mila eta hogeita hiru.

HASIERAKO ORDUA: Eguerdiko hamabiak.

DEIALDIA: Lehena.

OSATZEN DUTEN PARTAIDEEN KOPURUA: Hamazazpi (17)

Adierazitako tokian, egunean eta orduan, ITZIAR AROZTEGUI APAOLAZA idazkariak lagunduta bildu dira azken udal hauteskundeen ondorioz hautatutako zinegotziak. Hona hemen:

EUSKO ALDERDI JELTZALEA-PARTIDO NACIONALISTA VASCO (EAJ-PNV)

- 1.- LEIRE ARTOLA UGALDE
- 2.- ADUR UGARTEMENDIA LEUNDA
- 3.- AINHOA ARRESE ARRATIBEL
- 4.- MARIOLA PASCUAL PAREDES
- 5.- EDORTA DIAZ DEL RIO
- 6.- MARIA ELENA RUIZ ZABALA
- 7.- MICHEL VENTUREIRA IRIZAR
- 8.- OLATZ ARRESE IMAZ
- 9.- AITOR ALDASORO ITURBE

EUSKAL HERRIA BILDU (EH Bildu)

- 1.- HASIER AGIRRE ELKOROBEREZIBAR
- 2.- NEREA MANZISIDOR MENDIZABAL
- 3.- AITOR URDANGARIN IRASTORZA
- 4.- YOLANDA HERNANDEZ RODRIGUEZ
- 5.- IKER URTEAGA REBOLLAR

PARTIDO SOCIALISTA DE EUSKADI- EUSKADIKO EZKERRA (PSE-EE (PSOE))

- 1.- EVA ALVAREZ ATANES
- 2.- ANGEL REDONDO FERNANDEZ

ELKARREKIN PODEMOS EZKER ANITZA / IU -ALIANZA VERDE

1.- WESLEY ARITZ CORSITTO AGIRRE

Bileran, LURDES ALEGRIA LASA kontuhartzaile andrea eta ELI BRIT DIEZ Diruzain andrea ere, egon dira.

Udalbatza balioz eratzeko beharrezkoa den quoruma dagoenez (Beasaingo kasuan, kide hautetsien legezko gehiengo osoa: 9), dagozkion jarduketak honela hasi dira:

Idazkariak bilerari hasiera eman dio gai-zerrendaren berri emanez:

1.- Adineko Mahaia osatzea eta kredentzialak frogatzea.

2.- Aparteko kutxako kontaketari eta udal inbentarioari buru Idazkariak emandako diligentziaren berri ematea.

3.- Zinegotzi Hautatuen karguak hartzea eta Udala osatzea.

4.- Alkatea hautatzea eta kargua hartzea.

Idazkari andreak:

“Pasa den maiatzaren 28an hamabigarren hauteskundeak izan dira 1979tik eta horiekin 2019-2023 legealdi amaiera eman zaio. Orain berriro “hasi beharrean gaude”. Gaur hemen bildu gara legealdi berri bati hasiera emateko, hain zuzen ere: 2023-2027koari eta horretarako beharrezkoa da Korporazio berria osatzea eta Alkatea izendatzea.

“*Berritze*” prozesu honetan hiru fase daudela esan genezake: **likidazioa**, **eraketa** eta **antolaketa**, baina azken hau gehienez ere 30 laneguneko epean izango da, gaurtik kontatzen hasita

Legealdiaren **LIKIDAZIOARI** dagokionean esan, lau urteetako mandatua ixteko hainbat ekintza egin behar direla, hala nola: aurreko aktak onartu, inbentarioaren egoera konprobatu, arkeoa, behin behineko pertsonalari baja eman izana eta kargua uzten duten zinegotziek entregatu beharreko ondasun eta interesen aitorpenak:

- Organo kolegiatuen aurreko aktak, iragandako ekainaren 14n onartu ziren.
- Udal inbentarioaren eguneraketa, Plenoak onartu zuen 2023ko martxoaren 2an eta zinegotzi berrien esku aurkitzen da 5 eguneko epean kargua hartzen dutenetik kontatzen hasita, kontsultatzeko, egiaztapenak egiteko eta bidezkoak diren alegazioak egiteko.
- Arkeoa edota Udalak udal-gordailuan edota banketxeetan dituenak, bai baloreetan eta baita ere eskudirutan, gaurko eguneko datarekin eginda.
- Behin behineko pertsonalari baja eman zaio.
- Kargua utzi duten zinegotziek ondasun eta interesen aitorpenak aurkeztu dituzte.

Lan horiek guztiak eginda, Korporazioa **OSATZEKO** moduan gaude:

Horretarako lehendabizi, ADINEKO MAHAIA osatu behar da. Mahai hau adinez nagusia eta gazteena diren zinegotziek eta Idazkariak (kasu honetan Udalarena) osatzen dute. Adin nagusikoa den zinegotziak mahaiaren lehendakari lanak egingo ditu.

Kasu honetan betebeharrak horiek, AITOR ALDASORO ITURBE jaunak eta OLATZ ARRESE IMAZ andreari dagokie. Hurbildu, mesedez.

Idazkari andreak:

- Adineko Mahaia eratuta geratzen da bileran daudelako osatu behar dutenek.
- Idazkariak egiaztatu ditu zinegotziek aurkeztutako kredentzialak Lurraldeko Hauteskunde Batzordeak emandako hautatutako aldarrikatzen aktarekin bat datozela.
- Aldi berean esan, hautatutako zinegotziek Idazkaritzan aurkeztu dituztela ondasun eta interesen aitortpenak. Izan ere hori egin gabe ezinezkoa da Korporazioaren kide izatea.
- Hauek guztiak burutu ondoren, behar diren pausoak ematea dagokio Korporazioa osatzeko, zin-egite formula baieztatuz.
- Korporazioa formalki eratu ahal izateko, karguaren jabetzea hartzea ezinbestekoa da, apirilaren 5eko 707/79 Errege Dekretuak aurreikusitako zin-egite formula baieztatuz.
- Lehenik eta behin, karguaren jabetza Adineko Mahaikoek hartuko dute.
- Idazkariak zin-egite formula irakurri du AITOR ALDASORO ITURBE jaunari zuzenduta:

“Zin egiten al duzu zinegotzi karguaren obligazioak finko beteko dituzula erregeari leial izanez eta Konstituzioa Estatuko oinarritzko arau legez betez eta bete-araziz?”

AITOR ALDASORO ITURBE jaunak: *“Bai, legeak hala behartuta hitza ematen dut.”*

Idazkariak udalaren armaria duen *“pin-a”* jarri dio Adineko-Mahaiaren Lehendakaria den jaunari

Adineko-Mahaiaren Lehendakariak zin-egite formula irakurri du OLATZ ARRESE IMAZ andreari zuzenduta eta honek ondorengo erantzun du: *“Bai, legeak hala behartuta hitza ematen dut.”*

Adineko-Mahaiaren Lehendakariak, udalaren armaria duen *“pin-a”* jarri dio mahai horren adinez gazteena denari.

- Deituko diet hautatuak izan diren beste zinegotziei mahaiaren inguruan esertzeko eta zin-egite formula baieztatzeko.

Hautatutako zinegotziei dei egiteko, hauteskunde-zerrendetako botoen hurrenkera hartu da kontuan, eta, zerrenda horien barruan, ageri diren hurrenkerari jarraitu zaio.

Lehendakari jaunak:

- Deitu eta hurbildu ahala zinegotzi hautatuei irakurri zaie zinegite-formula eta erantzunak ondorengoak izan dira:

Eusko Alderdi Jeltzalea-Partido Nacionalista Vasco (EAJ-PNV) partidu politikoaren zinegotziek: *“Bai, legeak hala behartuta hitza ematen dut”*

Zin-egite formula baieztatu ahala Lehendakariak udalaren armarrria duen “*pin-a*” jarri die.

Euskal Herria Bildu (EH BILDU) partidu politikoaren zinegotziek: “*Bai, legeak hala behartuta zin egiten dut.*”

Zin-egite formula baieztatu ahala Lehendakariak udalaren armarrria duen “*pin-a*” jarri die.

Partido Socialista de Euskadi- Euskadiko Ezkerra (PSOE) PSE-EE (PSOE) partidu politikoaren zinegotziek: “*Si lo juro*”.

Zin-egite formula baieztatu ahala Lehendakariak udalaren armarrria duen “*pin-a*” jarri die.

Elkarrekin Podemos Ezker Anitza / IU -Alianza Verde, partidu politikoaren zinegotziak: “*Bai, legeak hala behartuta zin dagit*”

Zin-egite formula baieztatu ahala Lehendakariak udalaren armarrria duen “*pin-a*” jarri dio.

- Korporazioa osatzen duten 17 zinegotzietatik, karguaren jabetza hartu dute. Horren ondorioz, Korporazioa formalki osatuta geratu da.

Idazkari andreak:

- Amaitzeko, Alkatea hautatu eta izendatu beharra dago.

Kontrakorik ez bada esaten bozketa sistema boto-ontziaren bidez egiten den bozketa sekretua izango da.

- Bozketa sistema zehaztu ondoren, hurrengo pausoa Alkatea hautatzeko izangaiak aurkeztea da. Izangaiak, zerrenda buruak izan daitezke, hau da: LEIRE ARTOLA UGALDE, HASIER AGIRRE ELKOROBEREZIBAR, EVA ALVAREZ ATANES y WESLEY ARITZ CORSITTO AGIRRE. Hautesleak: zinegotziek.
- Gertatu daiteke, izangairen batek uko egitea. Horrela da?

Inork ez dio uko egin izangaia izateari.

- Horren ondorioz, Alkatea izateko izangaiak, aipatutakoak izango dira.
- Zinegotzi bakoitzari papeleta bat emango zaio, izangaiaren ondoan X jartzeko.
- Norbaitek gehiengo osoa lortzen badu, hau da, 9 boto, Alkatea aldarrikatuko da. Bestela, Alkatea izango da boto gehien lortu duen zerrendaren burua.

Bozketa hautatuak izan diren zinegotziei deituz egiten da. Deitzeko hauteskunde-zerrendetako botoen hurrenkeraren arabera egiten den deiazen bidez egiten da, eta, zerrenda horien barruan, hautatutako zinegotzien hurrenkeraren arabera.

Deitu ondoren, boto-txartela udaltzainburuak hurbiltzen dien hautestontzian sartzen dute.

Bozketa eginda, Adineko-Mahaiaren Lehendakariak papeleta bakoitzaren edukia iragarri du eta botoen kontaketa egin ondoren, emaitza ondorengoa izan da:

Botoak guztira: 17

- LEIRE ARTOLA UGALDE: 9
- HASIER AGIRRE ELKOROBerezibar: 5
- EVA ALVAREZ ATANES: 2
- WESLEY ARITZ CORSITTO AGIRRE: 1

Idazkari andreak:

- Zinegotziek bezalaxe, Alkatea hautatua izan denak karguaren jabetza hartu du zinegite-formula baieztatuz.

Adineko-Mahaiaren Lehendakari jaunak zinegite-formula irakurri du hautatutakoari zuzenduta, hau da: *“Zin egiten al duzu Alkate karguaren obligazioak finko beteko dituzula erregeari leial izanez eta Konstituzioa Estatuko oinarritzko arau legez betez eta bete-araziz?”*

LEIRE ARTOLA UGALDE andreak: *“Bai, legeak hala behartuta hitza ematen dut.”*

Beraz, LEIRE ARTOLA UGALDE andrea Alkate aldarrikatu da, 2023-2027 legealdirako.

Adineko-Mahaiaren Lehendakariak Alkateari makila entregatu dio besarkada bat emanez.

Txaloak....

Adineko mahaikoek erretiratu egin dira eta Alkateak hartu du bileraren presidentzia.

Alkate andreak, hitza hartu du eta ondorengoa esan du: “Lehenik eta behin eskerrak eman nahi dizkiot nire familiari, kargu publikoari dagozkion funtzioak betetzen dituanean, beraiekin etxean ez nagoelako. Nire amak askotan esaten dit lehendabizi karguak eskatzen zuen dedikazioari arreta jartzeko eta lasai jarduteko aukera egongo delako elkarrekin egoteko.

Eskerrak baita ere nigan konfiantza jarri dutenei. Bereziki partiduari eta, nola ez, herritarrei. Niretzat ohore bat da herritarrei zerbitzua emateko erronkari aurre egiteko aukera izatea. Nirekin batera lana egingo duen gobernu taldeari ere animatu egiten diot beasaindarrentzat buru-belarri eta bihotzez lanari ekitea, orain arte egindako bidea, lana egiteko modua eta azaldu dugun konpromisoa kontuan izanda.

Oposizioari esan, orain arte bezala nire ateak beti irekita egongo direla ekarpenak egin ahal izateko. Zuei ere herriak ordezkaritza eman dizue. Ea guztion artean, politika eginez, herritarrei bizitza hobetzeko eskaini diezaiokegun. Gure arteko harremanak onak izatea espero dut denok aberastu gaitzen.

Herritarrak gure begira daude. Beraiei ahalik eta zerbitzurik hurbilena eskaintzeko gaude hemen. Alde batera populismoak utzita, gure zeregina da herritarrei entzutea eta dituzten arazoei irtenbidea ematen saiatzea.”

Jarraian, beste partidu politikoetako ordezkariak hitz egiteko txanda eman die eta zerrenda buruen adierazpenak hauek izan dira:

Hasier Agirre Elkoroberezibar jaunak, Euskal Herria Bildu (EH BILDU): “Hasteko zorionak, merezita irabazi duzulako eta hori da herritarrek emandako agindua. Zorionak, berriro. Eskertuko nahiko genuke Beasainen, Euskal Herria Bildurengan konfiantza jarri dituzten mila seihun eta zertxobait gehiago herritar. Guri lan bat gomendatu digutelako. Guk lan hori aintzakotzat hartzen dugu eta orain arte egin dugun bezala hurrengo lau urteetan aurrera eramango dugu.

Horrelakoetan beti saiatzen gara gure irakurtxoak egiten eta gaur ere egingo dugu. Iruditzen zaigu hego Euskal Herrira olatu indartsu bat iritsi dela eta gure ustez laster gure herrira ere iritsiko dena. Uste dut herritarrek ulertu dutela konponbide eta lidergo berriak behar direla, orain artekoak balio ez dutelako. Uste dugu horren erakusle izan direla maiatzaren 28an izan ziren emaitzak.

Botere hegemonikoak alde batera utzita, ezberdinen arteko adostasuna bilatzeko garaia dela, nahiz eta tamalez beste udal erakunde batzuetan horrela ez ikusi. Herritarrek hitz egin dute eta orain denoi dagokigu zuek agintetik eta gu oposiziotik herria garatzea. Nik uste dut Leire, zuk ere aipatu duzula, Udala ez dela bakarrik bozka eman dutenena baizik eta denona. Dei egiten dizuegu bide horretan lana egitera, Beasain justuagoa, berdina, euskaldunagoa izateko. Norabide horretan hemen izango gaituzue. Ea lau urtetan denon artean lana egiten dugun!”

Eva Alvarez Atanes andreak, Partido Socialista de Euskadi- Euskadiko Ezkerra (PSOE) PSE-EE (PSOE): “Nosotros también queremos agradecer y sobre todo felicitar a todos los que aquí son compañeros. Agradecer la confianza que han puesto en nosotros todas y todos las ciudadanas y ciudadanos de Beasain. Agradecer de manera personal a todos los componentes de mi grupo político, a los compañeros y a la familia por la confianza depositada en nosotros. Desde el partido socialista. Euskadiko Ezkerra Beasain, seguiremos trabajando y velando por el bienestar de toda la ciudadanía. Tal y como hemos venido haciendo estos cuatro años lo haremos de nuevo, más y esperamos que mejor y que no todo sean palabras sino que se esas tengan su reflejo en las acciones.”

Wesley Aritz Corsitto Agirre, Elkarrekin Podemos Ezker Anitza / IU -Alianza Verde: “Lehenik eta behin zorionak, Leire. Nik uste dut gaur oso egun garrantzitsua dela Beasainek lehenengo aldiz duelako emakume hautatua. Benetan zorionak beroenak. Espero dut etorkizunean ere gaur bezalako kasu gehiago ematea.

Gure asmoa talde berria garen heinean, ikasten joatea da eta beasaindarrek eman dizkiguten 447 boto horien islara izan nahi dugu eta prest denok batera lan egiteko eta Beasain hobea sortzeko. Eskerrik asko eta zorionak.”

Amaitzeko, Alkate andreak proposatu dio Korporazio berriari argazki bat ateratzea.

Tratatzeko besterik ezean bilera eguerdiko ordubatak hogeitaz gutxiagotan amaitu da eta nik, idazkari naizen honek, akta hau idatzi eta sinatu dut